

جائز و ناجائز

حلال اتے حرام جاندار

خُشکی دے جانور

حضرت موسیٰ اتے حضرت ہارون کون اللہ ستیں فرمایا:

”بنی اسرائیل کون آکھو: زمین تے موجود سارے جانوریں وچوں تہاڈے واسطے صرف او جانور حلال ہن جیرھے اُگل ویندے ہوون اتے انہیں دے کھر ہوون یعنی چیرے ہوئے پیر۔ ایہ ڈوہیں گالھیں ضروری ہن۔ او جانور جیرھے اُگل تاں ویندین پر انہیں دے کھر نہیں ہوندے یعنی انہیں دے پیر چیرے ہوئے نہیں ہوندے، ایسے جانور تہاڈے واسطے حلال کینی۔ مثال دے طور تے اٹھ کیوں جو ایہ اُگل تاں ویندے پر ایندے کھر کینی، دڑے ہن۔ لیویں ہر قسم دا خرگوش، او بھاویں جنگلی ہووے یا پہاڑی، کیوں جو ایہ اُگل تاں ویندین پر انہیں دے کھر کینی، پتجے ہن۔ لہذا ایہ تہاڈے واسطے حرام ہن۔ خنزیر بالکل نہ کھوایے کیوں جو اوندے کھر تاں ہن یعنی چیرے ہوئے پیر، پر او اُگل کینی ویندا۔ لہذا او حرام ہے۔ تٹاں انہیں دا گوشت نہ کھوایے کیوں جو ایہ حرام ہن اتے نہ موئیں ہوئیں کون ہتھ لوائے کیوں جو اونجس ہن۔

پانی دے جاندار

پانی وچ رہن والے جاندار یعنی سمندر، دریا اتے تلاب وغیرہ وچ رہن والے سارے چھوٹے وڈے جانداریں وچوں صرف او جانور تہاڈے واسطے حلال ہن جنہیں دے پر اتے چھلڑ ہوون۔ پانی وچ رہن والے باقی سارے جاندار جنہیں دے پر اتے چھلڑ کینا ہوون تہاڈے واسطے حرام ہن۔ لہذا تٹاں نہ انہیں کون کھوایے اتے نہ موئیں ہوئیں کون ہتھ لوائے۔ یاد رکھا ہے! پانی وچ رہن والے او سارے جاندار جنہیں دے پر اتے چھلڑ کینی تہاڈے واسطے حرام ہن۔

پتنگھی پرندے

پنکھی پرندیں وچوں ایہ حرام ہن: عقاب، ہر قسم دی گجھ، ہل، ہر قسم دے باز اتے ہر قسم دے شکاری پرندے۔ ہر قسم دے کاں، چہری اتے ہر قسم دے اُلو۔ مچھنخور، ہڈخور، گونج، ہر قسم دے بگ، درکھاں پنکھی اتے چمیٹی۔

کیڑے مکوڑے

اتے او سارے کیڑے مکوڑے جنہیں دیاں چار جنگھاں اتے پر ہونڈن او ٹہاڈے واسطے حرام ہن۔ پر او پردار کیڑے مکوڑے جنہیں دے جنگھیں وچ پتے مارن واسطے جوڑ ہونڈن او ٹسناں کھا سگدے ہوں، مثال دے طور تے مکڑی اتے اونڈیاں ساریاں قسماں۔ پر او سارے کیڑے مکوڑے جنہیں دیاں چار جنگھاں اتے پر ہونڈن او ٹہاڈے واسطے حرام ہن۔

او کم جیرھے انسان گوں ناپاک کر ڈینڈن

مندرجہ ذیل جانداریں گوں کھاؤن نال ٹسناں ناپاک تھی ویسو اتے جیرھا انہیں موتیں ہوئیں گوں ہتھ لیسے، او شام تئیں ناپاک رہ ویسی۔ جیرھا انہیں موتیں ہوئیں گوں چاوے او اپنے کپڑے دھووے، ول وی شام تئیں ناپاک رہ ویسی۔

مثال دے طور تے او حیوان جنہیں دے کھر گینی یعنی پیر چیرے ہونے گینی اتے جیرھے اگل تئیں وینڈے او سارے ٹہاڈے واسطے حرام ہن۔ جیرھا انہیں موتیں ہوئیں گوں ہتھ لیسے، او ناپاک تھی ویسی۔ اتے سارے چار پیریں تے ٹرن والئیں وچوں جیرھے پنچتیں تے ٹردن، او ٹہاڈے واسطے حرام ہن۔ جیرھا انہیں موتیں ہوئیں گوں ہتھ لیسے، او شام تئیں ناپاک رہ ویسی۔ جیرھا انہیں موتیں ہوئیں گوں چاوے، او اپنے کپڑے دھووے، ول وی شام تئیں ناپاک رہ ویسی۔

پیٹ دے بھرے ٹرن والے جاندار

زین تے ٹرن والئیں چھوٹے جانداریں وچوں ٹہاڈے واسطے ایہ حرام ہن: مثال دے طور تے ٹولوں،

چوہے، ہر قسم دیاں کرڑیاں، گوہ، کور کرڑا، سائڈھے، جرب، گرگٹ۔ یہ سارے ٹھاڈے واسطے حرام ہن۔ جیرھا انہیں وچوں کہیں وی موائے ہونے کون ہتھ لیسے، او شام تئیں ناپاک رہ ویسی۔ اتے انہیں وچوں کوئی وی مویا ہویا جاندار جیرھی شے نال لگے، او ناپاک تھی ویسی، مثال دے طور تے ہر قسم دے برتن، کپڑے، چمڑا، ٹاٹ۔ ایہ چیزیں کون پائی نال دھوتا ونچے۔ ول وی او شام تئیں ناپاک رہ ویسن۔ ایندے بعد پاک تھی ویسن۔ جے مٹی دے کہیں برتن وچ انہیں وچوں کوئی چیز آپو وے تاں جیرھا کجھ اُون برتن وچ ہوسی او ناپاک تھی ویسی۔ اُون برتن کون تروڑ گھتیا ونچے۔ جے ایہ برتن دا پائی کھاؤن پیوؤن دی کہیں چیز تے ونچ پووے تاں او چیز ناپاک تھی ویسی۔ انہیں موائے ہونیں وچوں جیرھی شے وی کہیں چیز وچ آ پووے، او چیز ناپاک تھی ویسی۔ او چیز تئور ہووے یا کئی اُوکوں تئیں تروڑ گھتا ہے کیوں او ناپاک تھی ویسی اتے تئیں اُوکوں ناپاک ای سمجھا ہے۔ ول وی چشمہ، کھوہ اتے تلاب جیندے وچ ہوں سارا پائی ہووے او پاک ای رہ ویندے، پر اوندے وچ جیرھا موائے ہونے کون ہتھ لیسے، او ناپاک تھی ویسی۔ اتے جے انہیں موائے ہونیں دے وچوں کوئی شے کہیں رہاؤن والے نیلے بچ تے ونچ پووے تاں او پاک رہ ویسی۔ پر جے بچ پائی وچ پُسیا پیا ہووے اتے اُون پائی وچوں کوئی ناپاک شے نکل آوے تاں ول او بچ ناپاک تھی ویسی۔

او جانور جیرھا ٹھاڈے واسطے حلال ہے جے او مرونچے تاں ول اُون موائے ہونے کون جیرھا شخص ہتھ لیسے، او شام تئیں ناپاک رہ ویسی۔ اتے جیرھا شخص اُون موائے ہونے جانور دا گوشت کھاوے یا اُوکوں چاوے، او اپنے کپڑے دھووے۔ ول وی شام تئیں ناپاک رہ ویسی۔

کیڑے مکوڑے زمین تے تڑن والے سارے چھوٹے جاندار حرام ہن۔ او بھاون پیٹ دے بھرٹے تڑن والے ہون یا چار پیریں تے اتے بھاون ڈھیر سارے پیریں تے۔ انہیں وچوں کہیں کون نہ کھوا ہے کیوں جو ایہ سارے حرام ہن۔ انہیں کون کھاؤن نال تئیں ناپاک تھی ویسی۔ اپنے آپ کون ہمیشہ بالکل پاک صاف رکھیا کرو۔ میں اللہ، ٹھاڈا رب ہاں۔ ایس واسطے تئیں ایہ حرام چیزاں کھا کے اپنے آپ کون ناپاک نہ کرا ہے۔ میں اللہ ای ہاں جیرھا ٹھاڈا کون نلک مصر وچوں کڈھ آیا تاں جو تئیں میگوں ای رب

مینندے رہ و نچو۔ لہذا اُنساں ہمیشہ پاک صاف رہ و نچو کیوں جو میں پاک ہاں۔
 جانور، پکھی پرندے، پائی وچ رہن والے سارے جاندار اتے ڈھڈے بھرٹے ٹرنٹن والے سارے
 جانداریں دے بارے وچ ایہ شریعت میں ٹھاگوں ایں واسطے ڈتی ہے تاں جو ٹھاگوں پاک اتے ناپاک، حلال
 اتے حرام دے فرق دا پتا ہووے۔“

وِتم دی ناپاکی کٹوں پاک تھیونٹ

اللہ سنیں ولا حضرت موسیٰ کون فرمایا: ”بنی اسرائیل کون آکھ: ’جیرھی عورت حاملہ ہووے اتے پتر چٹے،
 اوست ڈینہہ تیں ایویں ناپاک رہ ویسی جیویں کپڑے آونٹ دے ڈیہاڑیں وچ ہونڈی ہے۔ اٹھویں ڈینہہ پال
 دی طہور کیتی ونچے۔ ایں ڈینہہ کٹوں گھن کے او عورت مزید تیرہہ ڈینہہ چھلے وچ رہے۔ کہیں پاک چیز کون
 ہتھ نہ لاوے اتے نہ مقدس مقام وچ داخل تھیوے، جے تیں اوندی ناپاکی دے ڈینہہ پورے نہ تھی و نچن۔
 جے او عورت چھوہر چٹے تاں او چوڈاں ڈینہہ تیں ایویں ناپاک رہ ویسی جیویں کپڑے آونٹ دے ڈیہاڑیں
 وچ ہونڈی ہے۔ ایندے بعد او عورت مزید چھیاٹھ ڈینہہ چھلے وچ رہ ونچے۔“

چھوہریا چھوہری پیدائش دے بعد جڈاں اُون عورت دے ناپاکی دے ڈینہہ پورے تھی و نچن تاں ول او
 اعلیٰ قربانی دے طور تے ہک سال دا بھڈورا اتے بحالی والی قربانی واسطے ہک کبوتر یا کبوتر دا بچہ شامیانہ مقدس
 دے دروازے تے مذہبی رہنما دے کولھ گھن ونچے۔ ول او مذہبی رہنما اُون عورت دی طرفوں اوندی
 ناپاکی دور کرن واسطے میڈی بارگاہ وچ کفارہ پیش کرے۔ ایندے بعد او عورت اپنی ناپاکی کٹوں پاک شمار
 تھیسے۔ پال دی پیدائش دے بعد اُون عورت کون ایہ سب کجھ کرن ضروری ہے۔ جے اوندے کولھ
 بھڈورا گھنٹے دے پیسے نہ ہوون، تاں ڈو کبوتر یا کبوتر دے ڈو بچے گھن آوے۔ ہک اعلیٰ قربانی واسطے اتے ڈو جھا
 بحالی والی قربانی واسطے۔ ول مذہبی رہنما اُنھانیں نال اُون عورت دی طرفوں اوندی ناپاکی دور کرن واسطے
 میڈی بارگاہ وچ کفارہ پیش کرے۔ ول او عورت وِتم دی ناپاکی کٹوں پاک شمار تھیسے۔“

مرد کیویں کیویں ناپاک تھیندین

حضرت موسیٰ اے حضرت ہارونؑ کوں اللہ سنیں فرمایا: ”بنی اسرائیل کوں آکھو: ہر او مرد ناپاک ہے جیکوں کوئی پوشیدہ مرض ہووے۔ جیرھے بسترے تے او سٹھے اتے جیرھی چیز تے او پہے، او ناپاک تھی ویسی، بھاویں ایں بیماری دی وجہ کئوں کوئی شے رستے یا نہ رستے۔ جے کوئی شخص دھات دے مریض کوں یا اوندے بسترے کوں ہتھ لاوے یا اوں جاہ تے پہے جتھاں او دھات والا بیٹھا، تاں او شخص اپنے کپڑے دھووے، آپ دھانویں۔ ول وی شام تینیں ناپاک رہ ویسی۔ جے دھات والے مریض دی تھک کہیں شخص تے وچ پووے تاں او شخص اپنے کپڑے دھووے، آپ دھانویں۔ ول وی شام تینیں ناپاک رہ ویسی۔ جیرھی زین تے دھات دا مریض ہسی او زین ناپاک تھی ویسی۔ جے کوئی اوں چیز کوں ہتھ لاوے جیندے اے دھات والا مریض بیٹھا یا لیٹھا ہووے تاں او شخص شام تینیں ناپاک رہ ویسی اتے جے کوئی ابجی چیز کوں چاوے تاں او اپنے کپڑے دھووے، آپ دھانویں۔ ول وی شام تینیں ناپاک رہ ویسی۔ دھات دا مریض جے ہتھ دھوتے بئیر کہیں کوں ہتھ لاوے تاں ڈوجھا شخص اپنے کپڑے دھووے، آپ دھانویں۔ ول وی شام تینیں ناپاک رہ ویسی۔ جے دھات دا مریض کہیں برتن کوں ہتھ لاوے، جے او برتن مٹی دا ہووے تاں او کوں تروڑ گھتیا ونچے اتے جے لکڑا ہووے تاں او کوں دھوتا ونچے۔

جڈاں دھات دا مریض ٹھیک تھی ونچے تاں ٹھیک تھیونٹ والے ڈینہہ کئوں گھن کے ستویں ڈینہہ او اپنے کپڑے دھووے، صاف ستھرے پانی نال دھانویں۔ ول او پاک تھی ویسی۔ اٹھویں ڈینہہ ڈوکبوتر یا کبوتر دے ڈو پچے گھن کے میڈی بارگاہ شامیانہ مقدس دے دروازے تے مذہبی رہنما دے حوالے کر ڈیوے۔ ول او رہنما انہیں وچوں ہک کوں بحالی والی قربانی دے طور تے اتے ڈوجھے کوں اعلیٰ قربانی دے طور تے اوں مرد دی دھات والی بیماری کئوں ناپاکی دور کرنٹ واسطے کفارہ میڈی بارگاہ وچ پیش کرے۔

جے کہیں مرد کوں انزال تھی ونچے تاں او دھانویں۔ ول وی شام تینیں او ناپاک رہ ویسی۔ اتے جیرھے کپڑے یا چمڑے کوں اوندی مٹی لگے او کوں دھوتا ونچے۔ ول وی او چیز شام تینیں ناپاک رہ ویسی۔ جیرھے ویلے مرد عورت نال ہمبستر تھیوے اتے انزال تھی ونچے تاں ڈوہیں دھانویں۔ ول وی شام تینیں ڈوہیں

ناپاک رہ ویسن۔

عورتاں کیویں کیویں ناپاک تھیندین

جیرھے ویلے کہیں عورت گوں کپڑے آون شروع تھیون تاں اوست ڈیہاڑئیں تئیں ناپاک رہ ویسی۔ ایں دوران جیرھا وی اوگوں ہتھ لیسے، او شام تئیں ناپاک رہ ویسی۔ اتے انھائیں ڈیہاڑئیں وچ او عورت جیرھی چیزتے پہے یا لیٹے، او چیز ناپاک تھی ویسی۔ جیرھا اوندے بسترے گوں یا کہیں ابھی چیز گوں ہتھ لاوے جیندے اُتے او بیٹھی یا لیٹی ہووے تاں او شخص اپنے کپڑے دھووے، آپ دھانوے۔ ول وی شام تئیں او ناپاک رہ ویسی۔ عورت دے کپڑے آون دے دوران جے کوئی مرد اوندے نال ہمبستر تھیوے تاں او مرد وی ست ڈیہاڑئیں تئیں ناپاک رہ ویسی اتے ہنائیں ڈیہاڑئیں دے دوران او مرد جیرھے بسترے تے لیٹے، او وی ناپاک تھی ویسی۔ جے کہیں عورت گوں کپڑے آون دے ڈیہاڑئیں کٹوں زیادہ ڈیہاڑئیں تئیں خون جاری رہ ونچے یا انہیں ڈیہاڑئیں کٹوں علاوہ خون جاری تھی ونچے تاں او انہیں ڈیہاڑئیں وچ وی کپڑے آون دے ڈیہاڑئیں وانگوں ناپاک رہ ویسی۔ ایں دوران او عورت جیرھے بسترے تے لیٹے یا جیرھی چیزتے پہے، او ناپاک تھی ویسی۔ انھائیں ڈیہاڑئیں وچ جیرھا اوندے بسترے گوں یا اوندے پہن دی کہیں چیز گوں ہتھ لاوے، او وی ناپاک تھی ویسی۔ لہذا ابجا شخص اپنے کپڑے دھووے، آپ دھانوے۔ ول وی شام تئیں او ناپاک رہ ویسی۔ ابھی عورت دا خون بند تھیون دے ست ڈینہہ بعد او پاک وچ تھیسے۔ اٹھویں ڈینہہ او عورت ڈو کبوتر یا کبوتر دے ڈو پچے گھن کے میڈی بارگاہ شامیانہ مقدس دے دروازے تے مذہبی رہنما دے حوالے آن کرے۔ ول او رہنما انہیں وچوں پک گوں بحالی والی قربانی دے طور تے اتے ڈوجھے گوں اعلیٰ قربانی دے طور تے اوں عورت دی ناپاکی دور کرن واسطے کفارہ میڈی بارگاہ وچ پیش کرے۔“

اللہ سنیں اپنے کلام گوں جاری رکھیندیں ہوئیں فرمایا: ”بس نساں بنی اسرائیل گوں خبردار کر ڈوا ہے جو او ناپاک کرن والئیں سارئیں چیزیں کٹوں ہمیشہ دور رہ وئجن۔ کتھائیں ایہ نہ تھیوے جو او میڈے مقدس مقام گوں ناپاک کرن دی وجہ کٹوں ناپاکی دی حالت وچ مروئجن۔“

خُلاصہ

ایہ ہے قاعدہ قانون اُون مرد واسطے جیرھا شرمگاہ وچوں کوئی چیز سٹ نال یا انزال تھی و نچن نال ناپاک تھی و نچے، اتے اُون عورت واسطے جیکوں کپڑے آتے پئے ہوون، اتے ہر اُون شخص واسطے بھائیں او مرد ہووے یا عورت جیندی شرمگاہ وچوں کوئی چیز سٹ اتے اُون مرد واسطے جیرھا عورت دی ناپاکی دے دوران اوندے نال ہمبستر تھیوے۔

ممنوع رشتے

حضرت موسیٰؑ کو اللہ سنیں فرمایا: ”بنی اسرائیل کوں آکھ: میں اللہ ای تہاڈا رب ہاں۔ تئساں نلک مصر دے لوکیں والے کم ہرگز نہ کراہے جتھاں تئساں رہ گے ہوئے اتے نہ ای نلک کنعان دے لوکیں والے کم کراہے جتھاں میں تہا کوں گھدی وینداں، بلکہ تئساں صرف میڈے حکمیں تے عمل کریںدیں ہوئیں میڈے فرمان دے مطابق چلو کیوں جو میں اللہ ای تہاڈا رب ہاں۔ جے تئساں انہیں ساریں حکمیں تے عمل کیتا تاں تئساں خوشحال زندگی گزریںدے رہ ویسو۔ ایہ وعدہ ہے میں اللہ تہاڈے رب دا۔

میں اللہ تہا کوں ایہ حکم ڈینداں جو تہاڈے وچوں کوئی وی اپنے ہوں قریبی رشتے داریں نال مونہہ کالا نہ کرے یعنی تئساں اپنی ماء نال مونہہ کالا نہ کراہے کیوں جو ہوندے پیٹوں تئساں پیدا تھے وے اتے او تہاڈے پٹودی عزت وی ہے۔ نہ مترائی ماء نال مونہہ کالا کراہے کیوں جو او تہاڈے پٹودی عزت ہے۔ نہ اپنی بھین نال مونہہ کالا کراہے، بھویں او سکی ہووے یا مترائی، بھویں او اپنے گھر وچ پئی ہووے یا کہیں پے دے گھر وچ۔ نہ اپنی پوتری یا ڈوہتری نال مونہہ کالا کراہے کیوں جو او تاں خود تہاڈی اپنی عزت ہے۔ نہ اپنی پچھھی نال مونہہ کالا کراہے کیوں جو او تہاڈے پٹودی بھین ہے۔ نہ اپنی ماسی نال مونہہ کالا کراہے کیوں جو او تہاڈی ماء دی بھین ہے۔ نہ اپنی چاچی نال مونہہ کالا کراہے کیوں جو او تہاڈے پٹودے بھرا دی عزت ہے۔ نہ اپنی نوہہ نال مونہہ کالا کراہے کیوں جو او تہاڈے پتر دی عزت ہے۔ نہ اپنی بھابھی نال مونہہ کالا کراہے کیوں جو او تہاڈے بھرا دی عزت ہے۔ نہ اپنی ذال دی ماء نال، نہ اوندی دھی نال، نہ اوندی پوتری یا ڈوہتری نال مونہہ کالا کراہے کیوں جو او تہاڈی ذال دیاں ہوں قریبی رشتے دار ہن۔ ایجا کم کرن ہوں وڈی خباث ہے۔ نہ اپنی سالی نال شادی کر کے او کوں اپنی ذال دی پہاج بٹا ہے۔ ایہ نہیں تھیوٹا چاہیدا جو ذال دے جیندیں اوندی بھین دے بدن کوں وی بے پردہ کیتا ونجے۔

کپڑے آون دی ناپاکی دے دوران عورت دے نال جنسی تعلق قائم نہ کراہے۔ کہیں دی ذال نال مونہہ کالا کر کے اپنے آپ کوں نجس نہ کراہے۔ اپنی آل اولاد وچوں کہیں پال کوں وی کافریں وانگوں مولیک دیوتا دے اگو بھینٹ دے طور تے بھا وچ نہ سڑا ہے۔ میں اللہ ہاں۔ جے تئساں ایویں کیتا تاں میڈے ناں

دی بے حُرمتی تھسی۔ کہیں مردیا چھوہر نال مُوٹہہ کالا نہ کراہے کیوں جو ایہ بالکل کراہت والا کم ہے۔ نہ کوئی مرد کہیں حیوان نال صحبت کرے اتے نہ کوئی عورت کہیں حیوان کنوں صحبت کراوے کیوں جو ایہ فطرت دے برخلاف اتے گھٹیا کم ہے۔

انہیں وچوں کوئی وی کم کر کے تُناں اپنے آپ گوں نَحس نہ کراہے کیوں جو نلک کنعان دیاں کافر قوماں انھانیں گالھیں دی وجہ کنوں نَحس ہن جنہیں گوں میں تہاڈے اگودرکا پھڑیساں۔ انہیں دی نجاست دی وجہ کنوں انہیں دانلک وی نَحس تھی گے۔ ہیں واسطے میں اوں نلک دے لوکیں گوں سزا ڈیساں۔ انہیں گوں جلاوطن کر پھڑیساں۔ لہذا تُناں اتے تہاڈے کٹھے رہن والے پردیسی میڈے حکمیں تے عمل کریںدیں ہوئیں میڈے فرمان دے مطابق چلو یعنی انہیں کراہت والیں کمیں وچوں کوئی وی نہ کرو۔ اوں نلک دے باشندیں ایہہ کراہت والے کم کیتے ہن اتے نلک نَحس تھی گے۔ ہیں واسطے خیال کراہے! جے تُناں وی ہنناں وانگوں اوں نلک گوں نَحس کیتاتاں تہاگوں وی میں ہنناں وانگوں جلاوطن کر پھڑیساں۔ جیرھا انہیں کراہت والیں کمیں وچوں کوئی وی کم کریسی، اوندنا شمار میڈے لوکیں وچ نہ تھسی۔ ہیں واسطے میڈے حکمیں تے عمل کریںدے رہ و نچو۔ میں اللہ ای تہاڈا رب ہاں۔ لہذا تُناں کراہت والے او کم کر کے اپنے آپ گوں نَحس نہ کراہے جیرھے تُناں کنوں پہلیاں قوماں کریںدیاں آیاں ہن۔

ناجائز جنسی تعلقات دی سزا

جے کوئی مرد اتے شادی شدہ عورت پک پے دی رضامندی نال زناکاری کرن تاں ڈہائیں گوں سزائے موت ڈٹی ونجے۔ جیرہا مترائی ماء نال صحبت کرے، او اپنے پٹو دی عزت لیئندے۔ کیوں جو انہیں پک پے دی رضامندی نال زناکاری کیتی، این واسطے ڈہائیں گوں سزائے موت ڈٹی ونجے۔ انہیں دا خون انہیں دی اپٹی گردن تے ہوسی۔ جے کوئی سوہرا اتے نوہہ پک پے دی رضامندی نال زناکاری کرن تاں ڈہائیں گوں سزائے موت ڈٹی ونجے۔ کیوں جو انہیں وڈا گھٹیا کم کیتے، این واسطے انہیں دا خون انہیں دی اپٹی گردن تے ہوسی۔ جے کوئی بالغ یا نابالغ مرد کہیں پے بالغ یا نابالغ مرد دی رضامندی نال بد فعلی کرے تاں ڈہائیں گوں سزائے موت ڈٹی ونجے۔ کیوں جو انہیں وڈا گھٹیا کم کیتے، این واسطے انہیں دا خون انہیں دی اپٹی گردن تے ہوسی۔ جے کوئی مرد کہیں عورت اتے اوندی ماء ڈہائیں گوں انہیں دی رضامندی نال اپٹیاں گھر والیاں بٹا گھنے تاں ایہ ہوں وڈی بے حیائی ہے۔ انہیں ترنھائیں گوں بھا وچ ساڑ ڈیوٹن دی سزا ڈٹی ونجے تاں جو تہاڈے وچ ابھی بے حیائی نہ رہ ونجے۔ جے کوئی کہیں جانور نال بد فعلی کرے تاں اوں شخص گوں سزائے موت ڈٹی ونجے اتے او جانور وی مار ڈٹا ونجے۔ جے کوئی عورت کہیں جانور کٹوں بد فعلی پئی کرویندی ہووے تاں عورت گوں سزائے موت ڈٹی ونجے اتے اوں جانور گوں وی مار گھتیا ونجے۔ انہیں دا خون انھائیں دی گردن تے ہوسی۔

جے کوئی بھرا اپٹی بھین دی رضامندی نال بھوویں، او سکی ہووے یا مترائی، اوکوں اپٹی گھر والی بٹا گھنے تاں ایہ وڈے شرم دی گالھ ہے۔ کیوں جو انہیں بھین بھرا دے رشتے گوں ناپاک کیتے، این واسطے انہیں گوں قوم وچوں کڈھ ڈٹا ونجے۔ کیوں جو عزت لٹن والا بھرا ہے این واسطے اوند اگناہ اوندے سرتے رہ ویسی۔ جے کوئی ابھی عورت نال صحبت کرے جیکوں کپڑے آئے پتے ہوون تاں انہیں ڈہائیں دا شمار میڈے لوکیں بنی اسرائیل وچ نہ تھیسے کیوں جو انہیں ناپاکی دے بارے وچ میڈے حکم دی خلاف ورزی کیتی ہے۔

جے کوئی ماسی بھٹیجا یا پھنھی بھتر بجا پک پے دی رضامندی نال موہہ کالا کرن تاں ڈہائیں گوں اپنے کیتے دی

سزا بھگتئی پوسی۔ جے کوئی چاچی بھتر بجا پک بے دی رضامندی نال موٹہہ کالا کرن تاں انہیں ڈہائیں گوں اپنے کیتے دی سزا بھگتئی پوسی۔ بھتر بے اپنے چاچے دی عزت لئی، انہیں دا گناہ انھائیں دے سرتے ہوسی۔ او بے اولاد مر سن۔ جے کوئی بھرا دے جیندیں مُطلقہ بھا بھئی گوں اوندی رضامندی نال ذال بٹا گھنے، ایہ گھٹیا کم ہے۔ اوں اپنے بھرا دی عزت لئی۔ او بے اولاد مر سن۔

ٹھاڈے واسطے ضروری ہے جو میڈے حکمیں تے پورا پورا عمل کرو تاں جو میں ٹھاگوں نلک کنعان وچوں کڈھ نہ چھوڑاں جتھاں میں ٹھاگوں پہنچاؤں والا ہاں۔ اتے انہیں قومیں دے ریت رواج تے ہرگز نہ چلا ہے جنہیں گوں میں ٹھاڈے اگو کڈھ چھوڑن والا ہاں۔ انہیں وچ ایہے ساریاں گالھیں ہن۔ لیہا وجہ ہے جو میکوں انہیں کٹوں نفرت ہے۔ پر ٹھاڈے نال میں وعدہ کیتے جو او سر سبز و شاداب زمین ملکیت دے طور تے ٹھاگوں ڈے ڈیساں۔ میں اللہ ای ٹھاڈا رب ہاں جیں ٹھاگوں پنہیں دی آدھی وچ ایہ اعزاز بخشے۔“

شریعت موسوی دی دہرائی

تُساں، میں اللہ اپنے رب دے خاص لوک ہوئے۔ لہذا تُساں موئیں ہوئیں دی خاطر کافریں وانگوں اپنے بدن گوں چیرے نہ ڈتے کرو اتے نہ غم دے اظہار واسطے سر دے اگلے حصے دے وال مُنوائے کرو۔ روتے زمین دے سارے لوکیں وچوں میں تُہا گوں ایں واسطے چن گھدے تاں جو تُساں میڈے خاص لوک بن و نچو۔

حلال اتے حرام جاندار

تُساں کوئی حرام چیز نہ کھو اے، بلکہ صرف حلال جانوریں دا گوشت کھو اے، مثال دے طور تے گئون ڈاند، بھید بکری، ہرن ہرنی، چھوٹی قسم دا ہرن، پارھا، پہاڑی بھیدیاں بکریاں اتے نیل گائے۔ انہیں دے علاوہ ہر او جانور جیندے کھر ہوون یعنی پیر چیرے ہوئے ہوون اتے او اگل وی وٹیندا ہووے او وی تُہاڈے واسطے حلال ہے۔ او جانور جنہیں دے پیر تاں چیرے ہوئے ہوون پر اگل نہ وٹیندے ہوون یا اگل تاں وٹیندے ہوون پر انہیں دے پیر چیرے ہوئے نہ ہوون، او تُہاڈے واسطے حلال کینی۔ جیویں اٹھ، خرگوش اتے پہاڑی خرگوش، کیوں جو ایہ اگل تاں وٹیندے پر انہیں دے پیر چیرے ہوئے کینی اتے خنزیر وی حلال کینی کیوں جو ایندے پیر تاں چیرے ہوئے ہن پر ایہ اگل نہیں وٹیندا۔ نہ انہیں دا گوشت کھو اے، نہ انہیں وچوں کہیں موئے ہوئے گوں ہتھ لو اے۔

پاٹی وچ رہن والے سارے چھوٹے وڈے جانداریں وچوں تُساں صرف انہیں دا گوشت کھو اے جنہیں دے پر اتے چھلکے ہوون۔ جنہیں دے پر اتے چھلکے نہ ہوون، او تُہاڈے واسطے حرام ہن۔

حلال پکھیر ندنیں وچوں جیکوں تُساں چاہو کھا سگدے وے، پر ایہ پکھی پرندے تُہاڈے واسطے حلال کینی: باز، ہر قسم دی بگھ، بل، باز، شکر اتے ہر قسم دے شکاری پرندے۔ ہر قسم دے کاں، چہری اتے ہر قسم دے الو۔ پد خور، مچھنخور، گونج۔ ہر قسم دے بگ، درکھان پکھی اتے چمیٹی۔

اتے او سارے کیڑے مکوڑے جنہیں دیاں چار جنگھاں اتے پر ہوئین او تُہاڈے واسطے حرام ہن۔ او نہ

کھوا ہے۔ پر اوپر دار کیڑے مکوڑے جنہیں دے چنگھیں وچ تپے مارن واسطے جوڑ ہونڈن اوٹساں کھا سگدے
ہوے۔

ٹساں اپٹے رب میں اللہ دے خاص لوک ہوے۔ لہذا جیرھا جانور اپٹے آپ مروئے اوڈا گوشت نہ
کھوا ہے۔ اوکوں وچ چھڑا ہے یا کافرین کوں ڈے ڈوا ہے جیرھے اوکوں کھندے ہوون۔
لیلے کوں ٹساں اوڈی ماء دے کھیر وچ بالکل نہ پکا ہے۔

شادی دے واسطے پاکیزگی دا معیار

جے کوئی مرد شادی کرے اتے اُون عورت نال صحبت کرن دے بعد نفرت کرن لگ پووے، اوندے اتے تہمت لاوے، ایہ اکھ کے اُوکوں بدنام کرے جو میں جیرھے ویلے پہلی رات میں عورت دے کولھ گیاں ایہ ظاہر تھے جو ایہ کنواری کینا ہئی، تاں اُون چھوہر دا ماء پٹو اوندے کنواری ہووٹ دیاں نشانیاں چا کے شہر دے پھاٹک تے کچہری وچ بزرگیں دے کولھ آونجی۔ اتے چھوہر دا پٹو انہیں بزرگیں کوں آکھے جو ”میں میں مرد کوں اپنی دھی پرنا پٹی اتے ایہ ہن اُون کٹوں نفرت کریںدے، اوندے اتے تہمت لیندے، اہدے: نیڈی دھی تاں کنواری ثابت کینی تھئی۔“ میں واسطے میں اپنی دھی دے کنواری ہووٹ دیاں ایہ نشانیاں چاتی آیاں۔“ ول انہیں نشانیاں والے کپڑے کوں بزرگیں دے اگو وچھا پٹا ونجے۔ ایہ ثابت تھیوٹ تے جو چھوہر کنواری ہئی اُون شہر دے بزرگ اُون مرد کوں پکڑ کے سزا ڈیون۔ اتے اوندے اتے چاندی دے سوتولے جرمانہ لاون کیوں جو اُون اپنی برادری دی چھوہر تے تہمت لئی۔ میں کٹوں علاوہ او چھوہر اوندی ذال رہ ویسی اتے اُوکوں او عمر بھر طلاق وی نہ ڈے سگسی۔ جرمانے دی رقم چھوہر دے پٹو کوں ڈے ڈتی ونجے۔ پر جے اُون مرد دی گالھ سچ ہووے اتے چھوہر کنواری ثابت نہ تھیوے، تاں ول اُون چھوہر کوں اوندے پٹو دے درتے کڈھ آندا ونجے اتے اُون شہر دے رہن والے سارے اُوکوں اٹھائیں سنگسار کر ڈیون کیوں جو اُون شادی کٹوں پہلے بدکاری کر کے بنیاسرائیل وچ شرمناک حرکت کیتی۔ میں طرح تہاڈے وچوں ایہ برائی ختم کر ڈتی ونجے۔

جے کوئی عورت مرد پک پے دی رضامندی نال زنا کاری کریںدے ہونے پکڑے ونجی تاں انہیں ڈہائیں کوں مار گھتیا ونجے۔ میں طرح تہاڈے وچوں ایہ برائی ختم کر ڈتی ونجے۔ جے کہیں کنواری چھوہر دا کہیں مرد نال نکاح پاتا پیا ہووے اتے کوئی بیا مرد کہیں ابھی جاہ تے اوندے نال صحبت کرے جتھاں آسے پاسے دے لوکیں تیں چھوہر دی اواز پہنچ سگدی ہووے، تاں انہیں ڈہائیں کوں اُون شہر دے پھاٹک تے کچہری وچ گھن آندا ونجے۔ اتے اٹھائیں سنگسار کر ڈتا ونجے۔ چھوہر کوں میں واسطے جو او رڑی پئی نہ اتے مرد کوں میں واسطے جو اُون پے دی منکوہ دی عزت لئی۔ میں طرح تہاڈے وچوں ایہ برائی ختم کر ڈتی ونجے۔ جے

کوئی مرد کہیں دی منگوحہ چھوہر گوں ویرانے وچ ڈیکھ کے اوندے نال زبردستی صحبت کرے تاں صرف ہوں مرد گوں مار گھتیا ونچے، چھوہر گوں کجھ نہ اکھیا ونچے کیوں جو او بے قصور ہے۔ ایہ لیویں ہے جیویں کوئی مرد اپنے ہمسائے تے حملہ کر ڈیوے اتے او گوں مار گھتے۔ بس ایہ امر وی ایجا ہے کیوں جو اوں مرد ایں چھوہر گوں ویرانے وچ ڈٹھا۔ ایہ چھوہر تاں رڑی پٹی، پر اتھاں کوئی نہ ہا جیرھا او گوں بچاوے ہا۔ جے کوئی مرد کہیں ایجی کٹواری چھوہر نال زبردستی صحبت کرے جیندا نکاح کینا تھیایا ہووے اتے ایہ ڈوہیں پکڑے ونجن تاں چھوہر دی عزت لٹے دے بدلے اوں مرد گوں اوندے نال شادی کرنی پوسی اتے ایگوں عمر بھر طلاق وی نہ ڈے سگسی۔ ایندے علاوہ چھوہر دے پٹو گوں جرمانے دے طور تے چاندی دے پنچھاہ تولے وی ڈیسی۔ کوئی وی مترائی ماء نال صحبت نہ کرے کیوں جو ایہ اوندے پٹو دی عزت ہے۔

خُدادی لعنت دے مُستحق لوک

خُدادی لعنت ہووے اُوندے اُتے جیرھا بُت بٹاوے یا بُتیں دی پُوجا کرے۔ بُت بھائیں کِتنے ای خُوبصورت کیوں نہ بیٹے ہوئے ہوون، رُبَّالْعِزَّتْ کون اُنہیں کُنوں ڈاڈھی نفرت ہے۔ بھائیں کوئی لک لک کے وی پُوجا کرے، اُوندے اُتے خُدادی لعنت ہووے۔ سارے آکھو: ”آین!“

خُدادی لعنت ہووے اُوندے اُتے جیرھا اپنے ماعیہیوُدی بے عزتی کرے۔ سارے آکھو: ”آین!“

خُدادی لعنت ہووے اُوندے اُتے جیرھا ہمسائے دی جائداد دی حد دے نشان کون اپنی جائداد ودھاوٹن دی خاطر اُگوں تے کر چھوڑے۔ سارے آکھو: ”آین!“

خُدادی لعنت ہووے اُوندے اُتے جیرھا اندھے کون غلط رستہ لاوے۔ سارے آکھو: ”آین!“

خُدادی لعنت ہووے اُوندے اُتے جیرھا پردیسی یا یتیم یا بیوہ کون اُوندے حق کُنوں محروم کر ڈیوے۔ سارے آکھو: ”آین!“

خُدادی لعنت ہووے اُوندے اُتے جیرھا مترائی ماء نال صُحبت کرے، کیوں جو ایں طرح اُون اپنے پیوُ کون بے عزت کیتا۔ سارے آکھو: ”آین!“

خُدادی لعنت ہووے اُوندے اُتے جیرھا کہیں جانور نال صُحبت کرے۔ سارے آکھو: ”آین!“

خُدادی لعنت ہووے اُوندے اُتے جیرھا اپنی بھین نال صُحبت کرے، بھائیں سکی ہووے یا مترائی۔ سارے آکھو: ”آین!“

خُدادی لعنت ہووے اُوندے اُتے جیرھا س نال صُحبت کرے۔ سارے آکھو: ”آین!“

خُدادی لعنت ہووے اُوندے اُتے جیرھا لک کے کہیں کون قتل کرے۔ سارے آکھو: ”آین!“

خُدادی لعنت ہووے اُوندے اُتے جیرھا پیسے گھن کے کہیں بے گناہ شخص کون قتل کرے۔ سارے آکھو: ”آین!“

خُدادی لعنت ہووے اُوندے اُتے جیرھا شریعت دینیں انہیں کالھیں تے عمل نہ کرے۔ سارے آکھو:

”آین!“